

Innuttaasunik Ataatsimiititsineq Qaqortorsuarmi Hudson Resources Anorthosit-imut suliaq pillugu tusarniaanermi ataatsimiititsineq

Ataatsimiinnissamut takkunnarsi nuannaarutigaa.

Maanna innuttaasutut isummassinnik saqqummiussisussanngorpusi – tassami Kalaallit Nunaanni innuttaasusi qulaatiinnarlusi aalajangiisoqannginnissaa pisariaqarpoq.

Qaqortorsuarmi misissuinerit takutippaat, avatangiisit pinngortitarlu annertunerusumik sunniuteqarfigineqartussaangitsut.

Aatsitassarsiornerit pinngortitami avatangiisinilu pilliuteqartitsinnginnissaat Naalakkersuisut politikkerat. Kisiannili aatsitassarsionerni avatangiisit tamatigut sunnerneqartarput, tamannali minnerpaaffissaaniitissavarput. Taamaattumik inatsit pinngortitamik avatangiisinillu innarlitsaaliuinissamut maleruagassanik imaqarput.

Ullumikkut ingerlatseqatigiiffiup VVM-imut nassuiaasiasa, tusarniaanermut matumunnga ilaasoq misissussavarput. VVM Avatangiisinut Sunniutissanik Naliliinermik isumaqarpoq. Oqartussaasut sulianut immikkut ilisimasallit Avatangiisinut Nukissiornermullu Ilisimatusarfimmit aamma Pinngortitaleriffimmit najuuttoraavut, taakkulu oqartussaasut sinnerlugit apeqqutinut teknikkimut tunngasunut akissuteqartassapput.

Nuannaarutigaa, maanna Qaqortorsuarmi suliniutissaq pillugu oqaaseqaatissasi, misilittakkasi immaqalu apeqquteqaatissasi tusassallugit periarfissaqarfigigatsigu.